

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK



Bosnia and Hercegovina
Federation of Bosnia and Hercegovina
Sarajevo Canton
Municipality Ilijas
MUNICIPALITY MAJOR

Služba za prostorno uređenje i stambeno-komunalne poslove

OPĆINSKO VIJEĆE ILIJAŠ

**Odgovori na vijećnička pitanja i inicijative sa 37. sjednice Općinskog vijeća Ilijaš
održane dana 28.1.2016.godine**

Ilijaš: Februar 2016.godine

SELMA PUŠINA – vijećnica SDA

Inicijativa: "Ponovo upućujem inicijativu nadležnoj općinskoj Službi i Kantonalnoj Direkciji za ceste, vezano za postavljanje usporivača saobraćaja pored škola na području općine Ilijaš, a te škole su: Osnovna škola "Podlugovi" i Područna škola "Srednje" Kamenica.

Odgovor: Zaključak po ovoj inicijativi je dostavljen Direkciji za puteve Kantona Sarajevo.

NIJAZ RASTODER – vijećnik LDS-a

Inicijativa: "Da nadležna općinska Služba pripremi uredbu o dekorisanju i predloži Općinskom vijeću Ilijaš na nekoj od narednih sjednica"

Odgovor: Zaključkom općinskog načelnika zadužena je Služba za prostorno uređenje i stambeno komunalne poslove i Služba za društvene djelatnosti za prijedlog Odluke koja se odnosi na ukrašavanje – dekor grada, u vrijeme praznika.

BESIM GLJIVA – vijećnik Stranke za Srednje

Inicijativa: "Pokrećem inicijativu da nadležni u općini Ilijaš sačine kvalitetnu Informaciju o parcelaciji i izgradnji apartmanskih/rezidencijalnih naselja na prostoru općine Ilijaš.

Obrazloženje: U posljednje vrijeme na prostoru općine Ilijaš prisutna je aktivnost parcelacije i izgradnje apartmanskih/rezidencijalnih naselja. Potrebno je analizirati dosadašnje aktivnosti i vidjeti koji su benefiti od ove vrste naselja, a mjesnim samoupravama (mjesnim zajednicama) vratiti benefite ako ih ima kroz poboljšanje putne, komunalne i druge infrastrukture".

Odgovor: informacija obrađena i dostavljena Stručnoj službi Općinskog vijeća i Općinskog načelnika na daljnju proceduru.

AKIF BEŠLIJA – vijećnik SBB-a

Pitanje: "U kojoj je fazi implementacija vijećničkih pitanja, inicijativa i delegiranja Savjeta mjesnih zajednica Općine Ilijaš u vezi horizontalne i vertikalne signalizacije na lokalnim putevima općine Ilijaš. **Obrazloženje:** Već dugi niz godina postavlja se pitanje signalizacije na lokalnim putevima općine Ilijaš, kao i na pružnim prelazima koji svake godine za posljedicu ima enormne štete na navedenoj infrastrukturi, pa čak i ishode sa smrtnim slučajevima. Potrebno je da nadležni najozbiljnije razmotre navedeno pitanje i poduzmu zakonom propisane mjere".

Odgovor: Ugovorom o izvođenju radova rekonstrukcije, sanacije i asfaltiranju puteva na području općine Ilijaš broj: 04/3-23-2772/15 od 04.11.2015 godine ugovoreni radovi postavljanje vertikalne signalizacije na lokalnim putevima općine Ilijaš. U razgovoru sa izvođačem radova "Halilović" d.o.o. Radovi će otpočeti 15.02.2016 godine.

SAUDIN DURMIĆ – vijećnik SDA

Inicijativa: "Pokrećem inicijativu da na dionici puta koji prolazi kroz industrijsku zonu Luka, nadležna općinska služba izradi projekat vertikalne signalizacije od pružnog prelaza (restoran Diana-Industrijska zona Luka). **Obrazloženje:** Pomenuta dionica puta je nedavno puštena u promet i na istoj nije riješeno pitanje saobraćajne signalizacije. Molim nadležnu Službu da pristupe realizaciji ove inicijative u cilju povećanja bezbjednosti saobraćaja i sigurnosti građana".

Odgovor: Ugovorom o izvođenju radova rekonstrukcije, sanacije i asfaltiranju puteva na području općine Ilijaš broj: 04/3-23-2772/15 od 04.11.2015 godine ugovoreni radovi postavljanje vertikalne signalizacije na lokalnim putevima općine Ilijaš.

Istim ugovorom, planirano je da se za industrijsku zonu Luka postave 2 putokaza

"Industrijska zona Luka", po 2 ograničenja brzine (50km/h) na kolovoznim trakama u oba smjera i 3 znaka "STOP" na uključenju iz Kadarića i u industrijsku zonu od "Ezam" i "Udobnost".

Saobraćajna signalizacija raskrsnice kod restorana "Dijana", obzirom na nadležnost, definisat će se kroz projekat rekonstrukcije raskrsnice, Direkcije za ceste Kantona Sarajevo.

Služba za prostorno uređenje i stambeno komunalne poslove

126.Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669,033-580-672



Godina V - Broj 7, Četvrtak, 20. aprila 2000. godine

Na osnovu čl. 9. i 29. Zakona o lokalnoj samoupravi ("Službene novine Kantona Sarajevo", broj 17/97) i člana 55. stav 1. tačka 2. Statuta Općine Ilijaš ("Službene novine Kantona Sarajevo", broj 7/98), Općinsko vijeće, na sjednici održanoj dana 24. februara 2000. godine, donijelo je

ODLUKU

O OBILJEŽAVANJU DRŽAVNIH PRAZNIKA I VJERSKIH BLAGDANA NA PODRUČJU OPĆINE ILIJAŠ

Član 1.

Za vrijeme dok traju državni praznici i vjerski blagdani, na području općine Ilijaš (u daljem tekstu: Općina) organizovano će se sprovoditi aktivnosti na obilježavanju i ukrašavanju objekata, ulica i drugih prostora u javnoj upotrebi u cilju postizanja prazničnog i svečanog izgleda.

Član 2.

Općinska služba za upravu za oblast obrazovanja, kulture, sporta i informisanja u saradnji sa Službom za prostorno uređenje, stambeno-komunalne poslove i poslove obnove, će podsticati aktivnosti i pomagati udruženju građana, vjerske zajednice i druga pravna lica koji će provoditi aktivnosti iz člana 1. ove odluke.

Član 3.

Obilježavanje državnih praznika i vjerskih blagdana će se vršiti javnim isticanjem državnih i vjerskih zastava, simbola, transparentata, odgovarajućim dekoracijama, kulturnim i sportskim sadržajima što će Služba za obrazovanje, sport, kulturu i informisanje u skladu sa Zakonom i drugim važećim propisima utvrditi godišnjim planom i programom obilježavanja državnih praznika i vjerskih blagdana koji podnosi Općinskom vijeću na verifikaciju, na početku kalendarske godine.

Član 4.

Nosioci organizacije obilježavanja državnih praznika i vjerskih blagdana, utvrđenih u planu i programu iz pethodnog člana ove odluke, oslobađaju se plaćanja naknade za isticanje prigodnih plakata, transparentata i slično, na za to određenom prostoru.

Član 5.

Nadležna služba za opću upravu će na osnovu podnesenih zahtjeva nosioca obilježavanja praznika i vjerskih blagdana blagovremeno izdati odobrenje za traženu manifestaciju.

Član 6.

Kod obilježavanja vjerskih blagdana mogu se koristiti pismo i jezik koji pripadaju običajima i tradiciji naroda na području općine.

Član 7.

Služba za obrazovanje, kulturu, sport i informisanje u saradnji sa policijskom upravom Ilijaš inicirat

će zaštitu i čuvanje ukrašenih objekata i javnih mjesta za vrijeme obilježavanja državnih praznika i vjerskih blagdana.

Član 8.

Finansiranje aktivnosti utvrđenih u planu i programu iz člana 3. ove odluke vršit će se iz budžeta i sredstava vjerskih zajednica.

Član 9.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-I-02-582/00 28. februara 2000. godine Ilijaš

Predsjedavajući Općinskog vijeća Ilijaš Džafer Herić, s. r.